

TAUHID DAN KESATUAN UMAT ISLAM

oleh: Dr. Mahmūd Fiyād

Tauhid dan kemerdekaan.

Faham tauhid timbul menjadi suatu pemberontakan besar yang telah menghancurkan faham syirik dalam agama - syirik yang telah menghancurkan faham syirik dalam lain daripada Allah; tauhid juga telah menghancurkan faham syirik yang telah menimbulkan taraf pertuanan dalam masyarakat hidup manusia.

Tauhid yang dikemukakan oleh Islam yang mulia itu telah membersihkan dan memperbaiki kedudukan agama dan masyarakat Islam menentukan ibadat dan memperhambakan diri hanya kepada Allah *subḥānahu wa Ta 'ālā*, kerana Dialah yang telah menjadikan alam seluruhnya, Dialah yang berhak dipuji dan disembah, Dialah yang berkuasa atas sekalian makhluknya. Itulah pengajaran tauhid yang diiktikadkan oleh umat Islam.

Tauhid Menegakkan Persamaan dalam Masyarakat

Keyakinan tauhid inilah yang menarik perhatian manusia di merata-rata dunia memeluk agama Islam. Sejarah menjadi saksi dalam hal ini, ketika Rasulullah (S.A.W) dan kaum muslimin membuat perjanjian damai dengan kaum musyrikin dari suku-suku Arab dan juga dengan bangsa-bangsa Parsi dan Rom, semua perjanjian itu berdasarkan: Bahawa orang yang sudah memeluk Islam, tidak ada lagi sesuatu hal membawa perbezaan dan perbantahan terhadapnya, ia telah menjadi satu batu-bata dari sebuah bangunan tembok yang bernama "umat Islam"

Ia mempunyai hak dan kewajipan yang sama dengan tiap-tiap seorang dari umat Islam seluruhnya. Dasar inilah yang telah menarik perhatian dan keinginan berjuta-juta dari berbagai-bagai bangsa pada zaman dahulu dan sekarang untuk memeluk Islam.

Kenanglah peristiwa George Theodore panglima tentera Rom yang telah memeluk Islam. Ia sebelum memeluk agama suci ini telah bertanya lebih dahulu kepada panglima tentera Islam Khālid ibn al-Walīd ketika berjumpa di medan perang al-Yarmūk.

"Cuba Tuan terangkan, kepada faham apa yang sebenarnya Tuan ajak saya?"

Khālid menjawab: "Kepada mengakui bahawa tidak ada Tuhan yang sebenar-benarnya melainkan Allah dan bahawa Muhammad itu ialah Pesuruh Allah dan mempercayai serta menjunjung tinggi semua pengajaran yang ia (Nabī Muhammad) bawa dari sisi Allah."

"Bagaimanakah kedudukan orang-orang yang memperkenankan ajakan Tuan lalu memeluk Islam?", bertanya Theodore, lalu dijawab oleh Khālid:

"Kedudukan kita semuanya adalah sama di sisi Allah, baik bangsawan maupun rakyat jelata.... semuanya sama."

Tatkala Yazdegerd Raja Parsi meminta bantuan kepada Maharaja China bagi menentang tentera Islam yang sedang mara ke negeri Parsi dalam zaman Saidina 'Umar ibn al-Khaṭṭāb,

raja China telah bertanya kepada utusan Parsi: Bagaimanakah yang sebenarnya tujuan dan isi seruan Islam itu yang sedang diserukan oleh orang Islam? Utusan Parsi pun menerangkan sepanjang yang mereka ketahui.

Setelah Maharaja China mengetahui Islam dan sifat orang-orang Islam, ia pun mengutus surat kepada Raja Parsi, demikian maksudnya:

“Umat Islam yang dikisahkan perihalnya oleh utusan Tuan kepada saya, akan dapat memindahkan dan meruntuhkan gunung-ganang yang menghalangnya bila mereka kehendaki. Mereka akan tetap beroleh kemenangan”

Khalifah ‘Umar ibn al-Khaṭṭāb, menetapkan bahawa pemberian itu hendaklah disamakan kepada umat Islam dengan tidak memandang bangsa... Islam telah menjadikan mereka sama rata sama rata.

Demikianlah tauhid menyatu-padukan manusia yang berbagai-bagai bangsa, semuanya sama mempunyai hak dan menanggung kewajipan, dan semuanya beribadat kepada Allah *rabb al-‘ālamīn* yang telah mengutus pesuruh-Nya Nabi Muhammad *ṣalla Allah ‘alayhi wa sallam* menjadi rahmat bagi seluruh dunia.

Umat yang Berimpian.

Dalam soal-soal yang am, seruan Tuhan ditujukan kepada manusia umumnya, tetapi dalam pada itu golongan yang beriman ada mempunyai panggilan yang istimewa, iaitu: “*Yā ayyuha al-ladhīna amanū*” (Wahai orang yang beriman), dengan tidak memandang bangsa dan warna kulit.

Umat Islam ialah yang telah diutamakan dalam masyarakat manusia seluruhnya. Sebab keistimewaan itu telah diterangkan oleh Allah ‘*Az̄za wa Jalla* di dalam al-Qur’ān al-Karīm, (erti)

“Kamu ialah umat yang sangat utama yang telah tumbuh dan berkembang dalam masyarakat manusia - kerana - kamu menyuruh berbuat baik dan melarang daripada berbuat jahat serta kamu pula beriman kepada Allah...”

Di atas dasar inilah al-Qur’ān menjelaskan perintah kepada umat Islam dalam segala kewajipan yang diberatkan melakukannya, baik mengenai orang-orang perseorangan atau pun mengenai orang ramai, bila syaratnya telah lengkap:

“Dirikanlah kamu akan sembahyang dan bayarlah kamu akan zakat.”

“Berbuatlah kamu akan kebajikan.”

“Tepatilah kamu akan janji.”

Demikianlah pula perintah-perintah yang mengenai masyarakat amnya, seperti menjalankan hukum-hukum syariat dalam masyarakat, berlaku adil dalam hukum, melindungi agama dan umatnya:

“Sesungguhnya Allah memerintahkan kamu sekalian memberikan amanah kepada ahlinya, dan apabila kamu menjalankan hukum di antara manusia, hendaklah kamu menghukum dengan adil.”

“Bertolong-tolonganlah kamu atas perbuatan kebajikan dan taqwa.”

“Berjuanglah kamu pada jalan Allah dengan sebenar-benar perjuangan kerana-Nya.”

“Lelaki yang mencuri dan perempuan yang mencuri, hendaklah kamu potong tangan keduanya.”

“Perempuan yang berzina dan lelaki yang berzina hendaklah didera (sebat) tiap-tiap seseorang dari antara keduanya seratus kali.”

(sambungan pada muka 27)

IBADAT RASULULLAH

Perkara Kitab:

salla Allāh 'alayhi wa sallam

Utusan Melayu dalam rencana pengarangnya 25.7.58 telah menulis mengenai kitab *Ibadat Rasulullah* (S) yang diterbitkan oleh Percetakan Qalam. Rencana ini adalah rencana yang insaf yang menghendaki diadakan penyelidikan oleh Raja-raja Melayu sebelum mengambil keputusan muktamad mengharamkan kitab itu supaya kebebasan memberi faedah tidak dikongkong. Rencana pengarang mengharamkan kitab itu supaya kebebasan memberi faedah tidak dikongkong. Rencana pengarang mengharamkan kitab itu supaya kebebasan memberi faedah tidak dikongkong. Rencana pengarang mengharamkan kitab itu supaya kebebasan memberi faedah tidak dikongkong. Rencana pengarang mengharamkan kitab itu supaya kebebasan memberi faedah tidak dikongkong. Rencana pengarang mengharamkan kitab itu supaya kebebasan memberi faedah tidak dikongkong.

Utusan Melayu itu seperti berikut:

“*Ibadat Rasulullah*” kitab karangan Ustaz

Abu Bakar al-Ashaari Perlis telah mengocakkan ketenangan fikiran umat Islam negeri ini dalam beberapa persoalan agama Islam yang selama ini agak samar-samar dan gelap di setengah-setengah kalangan umat Islam disebabkan kurang mendalamnya pengajian mereka terhadap selok-belok agama Islam yang mereka anuti sejak zaman berzaman. Selain dari itu kitab tersebut telah menimbulkan pertentangan dalam pertikaian di antara

para alim ulama dan cerdik pandai agama kita dalam negeri ini.

Pertentangan pendapat dan pertikaian antara para alim-ulama kita terhadap beberapa persoalan yang dikemukakan oleh Ustaz Abu Bakar al-Ashaari menerusi kitab karangannya, membayangkan soal-soal agama adalah antara persoalan-persoalan yang hidup dan bergerak, tidak jumud dan beku kaku saja seperti apa yang dianggap oleh setengah-setengah golongan puak. Dari situ ternyata bahawa umat Islam dalam negeri ini adalah umat Islam yang hidup dan bergerak mengikut proses perkembangan dan pergolakan yang berlaku setiap hari dan ketika di sekeliling mereka. Ini sungguh menggembirakan kita kerana tiap-tiap benda yang bergerak dan bergolak itu akan melahirkan hasil-hasil yang baik dan tinggi nilainya, kita berharap demikianlah hendaklah dengan keadaan umat Islam di negeri ini.

Beberapa orang alim-ulama telah mengambil bahagian melahirkan pendapatnya menerusi akhbar-akhbar tempatan menerang¹ dan menentang pendapat yang dilahirkan oleh *Ustadh Hajji Abu Bakar al-Ash'ārī* dalam kitabnya. Dalam masa mereka melahirkan pendapat dan penentangan terhadap kitab tersebut ada di antaranya yang melahirkan pendapatnya mengikut garis-garis atau dasar ilmu pengetahuan dalam mencarikan kebenaran, dalam pada itu pun tak juga kurang terdapat mereka yang melahirkan pendapat dan penentangan mengikut perasaan dan rasa hati semata dan kadang-kadang ternyata dalam tulisan-tulisan mereka itu kemarahan dan kebencian terhadap “lawannya” tegasnya

(sambungan dari muka 26)

Demikian maqdūn sebahagian dari perintah-perintah yang dijelaskan oleh al-Qur’ān al-Karīm.

Perpaduan umat Islam yang diikat oleh kalimah

Tauhid telah diisyaratkan oleh Allah ‘Azza wa Jalla dengan firmannya yang bererti:

“Sesungguhnya kamu ini menjadi yang satu dan Akulah Tuhan kamu, maka sembahlah akan Daku.”

Umat Islam yang diikat oleh ikatan Islam yang kukuh itu telah diingatkan oleh Allah yang bermaksud:

“Janganlah kamu berbantah-bantah yang menyebabkan kamu berpecah-pecah, dan kerana itu akan hilanglah kekuatan kamu.”

¹ menyerang

pertukaran fikiran itu tidak berjalan di atas dasar amaliah lagi. Pada hal dalam satu-satu polemik atau pertukaran fikiran kita sangat-sangat memerlukan ketenangan fikiran kejituhan dalam melahirkan satu-satu alasan atau - hujah supaya sesuai dengan persoalan yang dibicarkan atau dibahaskan. Kejadian ini sungguh-sungguh mendukacitakan kita, kerana dengan itu menambahkan kegelapan dan kesamaran lagi terhadap soal-soal yang dibahas dan dibicarkan itu dari kalangan rakyat yang jahil dalam lapangan agama Islam.

Pertentangan pendapat dan pertikaian antara para alim-ulama dan cerdik pandai agama Islam terhadap kitab “*Ibadat Rasulullah*” itu tidak hanya berkisar dan bermain di sekitar pertentangan sahaja, malah ada di antara para alim-ulama itu telah menggunakan kekuasaan yang ada di tangannya menerusi Majlis Agama Islam dan Adat Istiadat Melayu dalam negerinya supaya mengambil tindakan mengharamkan kitab “*Ibadat Rasulullah*” itu dibawa masuk, dijual, disimpan dan dibaca dalam negerinya, dengan alasan kitab tersebut membawa anasir-anasir yang buruk dan bertentangan dengan pendapat mazhab Imam Shāfi‘ī, yang menjadi pegangan alim-ulama dan rakyat negeri ini, seperti yang diperlakukan oleh Majlis-Majlis Agama Islam dan Adat Istiadat Melayu Negeri Sembilan, Pulau Pinang dan Seberang Perai, Terengganu dan Melaka. Dalam pada itu pun ada juga beberapa buah negeri yang sehingga sekarang masih belum lagi melahirkan sikapnya masing-masing terhadap kitab “*Ibadat Rasulullah*” itu seperti Perak, Kedah, Pahang, Selangor dan Kelantan. Sungguhpun begitu kita kuat keyakinan bahawa sikap negeri-negeri itu akan lahir tidak lama lagi manakala Majlis Raja-Raja Melayu yang akan bersidang tidak lama lagi mengambil keputusan terhadap kitab tersebut. Bagaimanakah bentuk dan rupanya keputusan Majlis Raja-Raja Melayu terhadap kitab “*Ibadat Rasulullah*” itu, kita percaya para pembaca sendiri dapat mengagaknya, iaitu setelah melihat sikap atau keputusan Mesyuarat Jawatankuasa Penasihat Agama Raja-Raja Melayu yang bersidang baru-baru ini di Kuala Lumpur dan mengambil keputusan menyampaikan usul mengharamkan

kitab tersebut kepada Majlis Raja-Raja Melayu yang akan bersidang tidak lama lagi.

Sungguhpun keputusan Mesyuarat Jawatankuasa Penasihat Agama Raja-Raja Melayu terhadap usul pengharaman kitab tersebut diputuskan dengan jalan undian dan Perlis berkecuali dari undian tersebut, tegasnya Perlis tidak patuh dengan keputusan yang dicapai oleh Jawatankuasa Penasihat Agama Raja-Raja yang bersidang baru-baru ini. Sikap tidak patuh itu telah dilahirkan oleh Tuan Haji Ahmad Ketua Majlis Agama Islam dan Adat Istiadat Melayu Perlis baru-baru ini, bahawa kitab “*Ibadat Rasul Allah*” karangan Tuan Haji Abu Bakar al-Ashaari tidak akan diharamkan di negeri Perlis dan kitab itu bebas dibaca atau diamalkan oleh pemeluk agama Islam di Perlis dan juga digunakan di sekolah-sekolah agama atau madrasah.

Sikap ini diambil oleh negeri Perlis ialah dengan alasan bahawa agama Islam di Perlis tidak bermazhab kepada mazhab Shāfi‘ī seperti di negeri-negeri yang lain di Persekutuan “tetapi kepada Ahl Sunnah wa al-Jamā‘ah yang berpedoman kepada Qur’ān dan Sunnah”.

Dengan sikap Perlis itu ternyata kalau sekiranya Majlis Raja-Raja Melayu yang akan bersidang tidak lama lagi mengambil keputusan mengharamkan kitab “*Ibadat Rasul Allah*” itu, maka kita percaya Perlis akan berkecuali dari keputusan itu, dengan berkecualinya Perlis dari keputusan itu akan timbul lagi pertanyaan dalam fikiran rakyat jelata umat Islam bahawa agama Islam dalam Semenanjung Tanah Melayu telah terbagi dua dan soal ini akan menambahkan keraguan dan kegelapan dari kalangan rakyat yang kebanyakannya kurang mendalam pengajiannya dalam soal-soal agama Islam yang mereka anuti. Keraguan dan kegelapan di kalangan rakyat itu sungguh-sungguh mendukacitakan kita, kerana agama Islam bukanlah hak kepunyaan alim-ulama saja malah agama Islam adalah hak kepunyaan rakyat umumnya. Oleh kerana itu untuk menyelesaikan soal yang akan kita hadapi kelak, sebelum Majlis Raja-Raja Melayu mengambil

keputusan yang muktamad terhadap kitab "Ibadat Rasulullah" itu ada baiknya pihak Raja-Raja Melayu mengkaji kembali sedalam-dalamnya usul yang dikemukakan oleh Jawatankuasa Penasihat Agamanya, baik buruknya keputusan itu, setelah itu barulah diambil satu keputusan yang muktamad dengan berdasarkan perlembagaan negeri ini yang mengagung-agungkan demokrasi, yang menjamin kebebasan melahirkan fikiran, bercakap dan menulis, untuk menjaga kepentingan dan muslihat² perpaduan antara umat Islam dalam negeri ini.

Satu jalan yang baik lagi bijaksana yang harus dilalui oleh Majlis Raja-Raja Melayu sebelum keputusan muktamad diambil iaitu mengadakan satu majlis seminar atau perbahasan seperti yang pernah dikemukakan oleh beberapa orang alim ulama dalam negeri ini. Perbahasan atau seminar itu haruslah dijalan berdasarkan untuk mencari kebenaran dalam beragama, bukan berdasarkan perasaan semata.

Semoga dengan adanya seminar atau perbahasan tersebut, bukan saja soal ini dapat diatasi dengan baik, tidak menyenggung mana-mana pihak, malah dengan itu akan menambah jelas dan terangnya kegelapan dan kesamaran dari setengah-setengah pihak dan golongan terutama rakyat jelata umumnya yang terdiri dari penganut-penganut agama Islam inshā Allah!

Ulasan kita:

Kita bersyukur kepada Allah bahawa rakan kita Utusan Melayu telah sepengertian dengan kita iaitu sebagaimana kita menghendaki supaya sebelum menjatuhkan hukuman maka pihak-pihak yang berkenaan hendaklah mendatangkan hujah-hujahnya terlebih dahulu sebelum hukum dijatuhkan. Cara inilah yang seadil-adilnya.

Kita sependapat juga dengannya bahawa kita mendapat ada sebahagian besar ulama tidak membahas perkara itu dengan luas dan secara amaliah tetapi mereka menggunakan sentimen lalu memakai kuasa yang ada kepadanya untuk meruntuhkan kepada pengertian yang tidak sesuai denganannya.

Yang lebih-lebih mendukacitakan kita adalah rakan kita dari mendiang Semenanjung yang mulis³ tidak sebagai

wartawan tetapi sebagai orang-orang yang menggunakan sentimen dengan menyalahi sepihak dan terus pula mendatangkan tuduhan kepada orang-orang yang sepengertian dengannya sebagai orang-orang Khawārij dan lain-lain lagi menunjukkan ketohorannya sebagai wartawan yang wajib mendirikan pendapat-pendapat sama tengah.

Selain itu patut kita mengingatkan bahawa dalam menentukan hukum-hukum Tuhan maka tidaklah asas keputusan itu diputuskan dengan banyaknya suara tetapi keputusan mengenai hukum Tuhan itu hendaklah diputuskan mengikut asas iaitu Kitab Allah dan sunnah Rasul-Nya (S) kerana kita tidak akan sesat dengannya.

Kalau kita gantungkan hukum itu dengan hukum demokrasi, suara yang terbanyak, seperti yang disebut oleh rakan kita Semenanjung, kerana banyak orang-orang yang berpengertian seperti pengertiannya maka kita takut asas-asas agama yang kita akan jalankan akan rosak seluruhnya sebab kelak apabila dipakai ukuran suara ramai maka tertinggallah Kitāb Allah dan Sunnah Rasul-Nya (SAW). - P.

"Dahulu aku berperang kerana Lāta dan 'Uzzā serta diriku aku serahkan kepada maut untuknya maka apakah sekarang aku tidak berani mempertaruhkan jiwaku dalam jihad membela Allah dan Rasul-Nya? Tidak! Demi Allah aku akan menyerahkan jiwaku kepada Allah" - kata 'Ikrimah ibn Abū Jahl.

"Kami dapati jasad Ānas ibn Nadr terkapar rebah di tengah-tengah pahlawan-pahlawan yang syahid dan di badannya terdapat lapan puluh luka-luka yang diakibatkan oleh pedang, panah dan tombok musuh" kata Ānas ibn Mālik menceritakan keberanian Ānas ibn Nadr.

Siapakah kedua-dua pahlawan itu?
Jawabnya saudara-saudara boleh dapat dalam buku *Sejarah Shuhadā' Islam* yang ke-3. Harganya hanya 50 sen. Pusat 10 sen.

QALAM,

356/8, Geylang Road, Singapore 14

Lawatan Yang Di-Pertuan Agong ke Kelantan dan Terengganu.

Gambar-gambar yang diterakan di sini ialah gambar-gambar di dalam sambutan kepada perangkatan Seri Paduka Yang Di-Pertuan Agong ke Kelantan dan Terengganu sedikit masa dahulu. Sambutan sangat-sangat meriah.

Gambar kiri: Yang Di-Pertuan Agong menanam pokok peringatan di Medan Tuan Padang Kota Bharu.

Bawahnya: Permainan bali ditunjukkan ketika beliau sampai di Kuala Berang.

Gambar bawah: Perlumbaan dan barisan perahu-perahu apabila Yang Di-Pertuan Agong sampai di Bachok Kelantan.

Bawah sekali: Raja Permaisuri Agong disambut oleh isteri-isteri ahli-ahli Majlis Bandaran Kuala Berang Terengganu.

(Gambar Jabatan Maklumat).

